

唐  
文  
拾  
遺

唐文拾遺卷之五十九

榮祿大夫三品頂戴前分巡廣東高廉道加四級臣陸心源輯  
闕名七

星厯申送史館奏

長興三年  
司天臺

奉中書門下牒令逐年申送史館十一曜細行厯并  
周天行度祥變等當司舊例祇申星曜事件不載占  
言五代會  
要十九

定十都督府額奏

長興三年四  
月中書門下

天下舊有八大都督府按十道圖以靈州爲首陝西  
楊潞鎮徐等州爲次其魏鎮已升爲七府兼具員內

越杭福潭等州亦相次升爲都督府望以十都督府  
爲額仍據升降次第以陝爲首餘依舊制五代會要十九

定四大都護額奏

長興三年四月  
月中書門下

據十道圖有大都護除單于北庭等府久不置外今  
具員內節度使中見有兩員外守安北都護安東都  
護今請祇以四大都護爲定額仍以安東大都護爲

首

五代會要  
二十四

武成廟從祀英賢設饗豆奏

長興三年  
五月禮院

禮院檢郊祀錄釋奠武成王廟中祀例祭以少牢其  
配座十哲見今行釋奠之禮伏自喪亂已來廢四壁

其月限並請不許未終職限特更除官如職限滿有  
公事未了不計幾月請不別與除官及差使并與遞  
遷本官其曠職甚者仍請量事殿罰如據所分配文  
書修撰外別能採訪得皇后功臣事實及諸色合編  
集事著撰得史傳堪入國史者請量其課績別加酌  
獎如當館於職限滿官員中籍令充職者則旋具奏  
聞乞就加陞陟應此日已來曾充館職配過文書除  
丁憂官員則請與均分代修撰其未了別除官者所  
欠文書不計多少並與令本官修撰速須了畢其今  
日已前曠惰之過特乞矜容起今後若更將已前未

了公事遷延不速修撰了者則別具奏聞仰候聖裁

五代會要十八

正押衙設省職奏

長興四年正月三司使

當省有諸道鹽鐵轉運使額職員極多見有左右都押衙及客司通引今欲從正押衙設省職爲轉遷之序正押衙同押衙衙前兵馬使討擊副使衙前虞候衙前子弟者五代會要二十四

試舉人定制奏

長興四年二月十六日禮部

今後試舉人日請令皇城司公幹人於省門外聽察叫呼稱屈及知貢院有倖門者引赴皇城司勘問如

是的實虛妄請嚴加科斷兼今年放榜後及第人畢  
便綴行五鳳樓前列行舞蹈謝恩訖赴國學謝先師  
然後與知貢舉相識期集祇候勅命兼過堂及過樞  
密院又舊例侵晨張榜後知貢院官及考試官已下  
便出請今年張榜後知貢舉官并考試官至晚未奉  
勅宜令勅下後於朝堂謝恩卽赴國學其試舉人日  
宜令御史臺差人聽其放榜日知貢舉官送出自此  
永爲定制及第舉人過樞密院宜不施行

五代會要  
二十三

別鑿洛河引漕船奏

長興四年三  
月三日三司

洛河水運自洛口至今往來牽船下卸皆是水運牙

官每人管定四十石今洛岸至倉口稍遠牙官運轉  
艱難近日例多逃走今欲於洛河北岸別鑿一灣引  
船直至倉門下卸其工欲於諸軍傭人內差借五代會要  
二十七

判官考校州縣獎罰奏

長興四年  
五月中書

准天成元年五月二十七日勅諸使府兩稅徵科詳  
斷刑獄校官吏考課合是觀察判官專判其一州諸  
縣徵科糾轄提舉合是錄事參軍本職今後觀察判  
官錄事參軍校量所屬州縣官吏據每年徵科程限  
刑獄斷遣戶口增減據州縣申報子細磨勘詣實然

後於本官牒內據事件收豎如官吏考課一一事實  
其判官錄事參軍後考滿日並與酬獎別加職任如  
考課不實亦行殿罰如有水旱災傷處許奏聽勅旨  
冊府六百  
三十六

太子諸王見師傅禮奏

長興四年七月  
三日太常寺

奉勅詳定太子諸王見師傅禮如左一准開元禮皇  
太子與師傅保相見前一日尉衛設次於宮門外道  
西南向伶官展軒懸於庭其日諸衛所部屯門列仗  
典謁設師傅保位于西階之西東向三少位次之少  
退俱東向北上師傅保及三少至宮門通事舍人引



帥傅保就次左庶子奏中嚴伶官師工人入就位通事舍人引帥傅保及三少立于正殿門西差退俱東向左庶子奏外辦皇太子著從省服以出侍衛如常承和樂作至東階下西向立樂止通事舍人引帥傅保及三少樂作就位樂止皇太子再拜帥傅以下答拜若三少見時則三少先拜通事舍人引帥傅以下出樂作出門樂止左庶子跪奏稱臣某言禮畢一又准禮閣新儀皇太子受冊後前二日尙舍設次于崇明門外南向又設帥傅保中書門下文武百官東西相向以北爲上官臣及皇親陪其後次左庶子奏外

備中官褰簾皇太子常服出次南向立侍從如常儀  
次中書門下就北向位再拜訖禮官贊皇太子再拜  
訖中書門下班首一人前進賀訖復位再拜皇太子  
答賀訖又再拜皇太子揖中書門下訖相次退通事  
舍人禮贊皇太子再拜師傅等少避位訖師傅爲班  
首者一人進賀訖復位再拜皇太子答賀訖又再拜  
皇太子揖師傅退出內侍奉引皇太子就座南向座  
訖通事舍人引文武宮臣三品以下入就北向重行  
異位立定奉禮曰再拜訖左庶子一人進跪具官臣  
某等言賀訖復位皆再拜各班東西序立奉禮曰再

拜在位官皆再拜訖左庶子少前跪奏具官臣某言  
禮畢近侍垂簾皇太子降座宮臣侍衛仗散如儀一  
准會要貞觀十七年上謂房元齡曰太子三師以德  
導人者也若師禮卑則太子無所取則於是詔令撰  
三師儀太子出殿門迎先拜三師三師各拜每門讓  
三師坐太子乃坐與三師書前名惶恐後名惶恐再  
拜右據太常禮院狀謹檢開元故事禮閣新儀及會  
要分析如前其師傅見親王不同皇太子見師傅臣  
請師傅親王對拜揖各退

五代會  
要卷四

逐年書考校優劣奏

長興四年九  
月尙書考功

今年五月中翰林學士程遜所上封事內請自宰相  
百執事外鎮節度使刺史應係公事官逐年書考校  
其優劣以前件考課究尋臺閣深遠歲年若議與行  
宜憑往制具申中書門下宰臣判設官分職各有所  
司本司自合將條格故實參詳更檢尋唐書六典會要考課令  
爲悠久緣本司公事遂檢尋唐書六典會要考課令  
書考第冊府六百  
三十六

見天下兵馬大元帥禮奏

長興四年九月  
中書門下

秦王加天下兵馬大元帥自歷朝以來無天下兵馬  
大元帥公事儀注或專一面之權或總諸道之司其

儀注規程之事條目載詳故實未見明文臣等謹沿近事伏見招討使總管兼受副使已下棗鞭庭禮今望令諸道節度使已下凡帶兵權者見元帥階下具軍禮參見皆申公狀其使相者初相見亦以軍禮一度已後客禮相見應天下諸軍務公事元帥府行指揮其判六軍諸衛事其行公牒往來其元帥府所置官屬補授軍職則委元帥奏請

五代會要二十四

祧遷獻祖奏

應順元年正月  
中書門下

太常以大行山陵畢祔廟今太廟見享七室高祖太宗懿祖昭宗獻祖太祖莊宗大行升祔合祧遷獻祖

請下尚書省集議

五代會要卷二

御明堂比正至奏

清泰元年四月  
月中書門下

太常以五月朔御明堂受朝三日夏至祀皇地祇前日奏告獻祖室不坐比正至是日有祀事則次日受朝今祀在五鼓前質明行禮畢御殿在始旦後請比例行之

五代會要卷五

冊拜王公車輅法物奏

清泰元年六月  
月中書門下

據太常禮院申冊拜王公如在京城所司備鹵簿車輅法物皇帝臨軒行冊禮如在外鎮正衙命使押冊赴本州行禮車輅法物故事不出都城禮無明文今

制命幽州趙德鈞封北平王青州房知溫封東平王  
皆備禮冊命其合用車輅法物在兵部太常太僕寺  
請載往本州行禮後送納本司

五代會  
要卷四

竊盜議定贓罪奏

清泰元年九  
月大理寺

所用法書竊盜條准建中年贓滿三匹已上決殺不  
及三匹量情決杖本朝以量情之文不定詔御史中  
丞龍敏等議贓滿三匹准舊法一匹已上決徒一年  
半一匹已下量罪以杖大理寺又以量罪之文不定  
申奏集寺重議今議定贓滿一匹徒二年不及一匹  
徒一年半不得財杖七十

五代會  
要卷九

請差官詳議循資格奏

清泰元年九月吏部三銓

所用循資格先經詳定然自次府司錄參軍已下無品第入官處尋帖格式參詳添入又以地卑不敢添

注請差官詳議

冊府六百三十三

前任節度使綴班奏

清泰元年十一月御史臺

前任節度防禦團練使刺史行軍副使近儀五月一日內殿起居皆綴班序立元係班簿雖曰便殿起居其遇全班起居時亦合綴班

五代會要卷六

朝拜諸陵奏

清泰二年正月宗正寺

北京永興長寧建極三陵應州遂衍奕三陵准曹州



溫陵例下本州府官朝拜雍坤和嶽四陵太常宗正

卿朝拜

五代會要卷四

明宗魏皇后上謚奏

清泰二年二月  
月中書門下

臣聞漢昭帝承祚御歷奉尊謚于雲陽魏明帝繼體守文思外家于甄館而皆追崇嶽稱祔饗朝廷克隆敬本之文式叶愛親之道臣等又覽國史竊見元宗皇帝母曰昭成皇后竇氏代宗皇帝母章敬太后吳氏始嬪朱邸俄闕元宮鴻圖既屬于明君尊號咸追于聖母伏以魯國夫人發祥沙麓貽燬河洲三母最賢周母允成于天統四妃有子唐后先啟于帝基仰

惟當此之情彌軫寒泉之思久虛殷薦慮損皇猷臣等謹上尊諡曰宣顯皇太后請依昭成皇太后故事擇日備禮冊命又臣等伏聞先太后舊陵永祔先祠則都下難崇別業既追尊諡合勅闕官按漢朝故事園寢不在王畿或就陵所更立寢祠今商量上諡後權立享廟以申告獻配祠之禮請俟他年

五代會要卷一

避御名上一字奏

清泰二年五月  
月中書門下

御名上一字與諸王相連按太宗元宗廟故事人臣

諸王合避相連字改從單

五代會要卷四

試進士依舊例奏

清泰二年九月  
禮部貢院

奉長興二年二月勅進士引試早入晚出今請依舊  
例進士試雜文并點門入省經宿就試

五代會要  
要二十二

科目事宜奏

清泰二年九月  
禮部貢院

奉長興元年勅進士五經九經明經五科童子外諸  
色科目並停緣由有明算道舉人今欲施行又奉長  
興三年正月勅每落第舉人免取文解今後欲依元  
勅格請並再取解十月十五日到省畢違限不收又  
奉天成四年勅諸色舉人入試前五日納試紙用中  
書印印訖付貢院司緣五科所試場數極多旋印紙  
鑲宿內中書往來不便請祇用當司印

五代會要  
二十三

明堂受朝大事不坐奏

清泰二年十二月太常禮院

來年正月元日合御明堂受朝賀其日上辛祀昊天上帝於南郊依禮大事不坐

五代會要卷五

請詳酌現行法律奏

清泰三年中書門下

刺史位列公侯縣令爲人父母只合倍加乳哺豈可自致瘡痍一昨張宗胥吏訟論合當極典法司據律罪止徒流向來此法極嚴纔可存其軀命卽一二十年不復還鄉却緣近日赦宥稍頻遷易所數致其寬物不顧嚴刑臣竊惟立法稍嚴則人不敢犯其見行法律望下所司更加詳酌

冊府六百一十三

今古服制令式不同奏

清泰三年二月太常禮院

據尚書兵部侍郎馬縞上疏言古禮嫂叔無服蓋推而遠之案五禮精義貞觀十四年魏徵等議親兄弟之妻請服小功五月今所司給假差謬爲大功九月太常博士段禹稱自來給假元依令式若云違古不獨嫂叔一條舊爲親姨服小功令式今服大功爲親舅舊服小功今服大功妻父母總服今服小功爲女壻爲外甥總服今並服小功此五條在令式與古不同未審依馬縞所奏爲復且依令式

五代會要卷八

封贈三代降等奏

天福二年四月  
中書門下

准二月二十六日勅內外臣寮亡父母祖父母據品秩未封贈者與封贈已封贈三代更加恩命按舊制一品官亡父已上三代約其子官品等降一等亡母追封國號祖母已上第降一等

五代會要十四

宣示赦書德音奏

大福二年四月

中書

准翰林志凡赦書德音立后建儲行大誅討拜免三公宰相命將制書並使白麻書不使印雙日起草候開門鑰入而後進呈至雙日百僚立班于宣政殿樞密使引案自東上闕門出若拜免宰相即便付通事舍人餘付中書門下並通事舍人宣示若機務急速

亦使雙日甚速者雖休假亦追班宣示

五代會要十三

買賣使八十陌錢奏

天福二年七月十二日度支

三京鄴都並諸道州府市肆買賣所使見錢等每有條章每陌八十文近訪聞在京及諸道街坊市肆人戶不顧條章皆將短陌轉換長錢但恣欺罔殊無畏忌若不條約轉啓俸門請更嚴降指揮及榜示管界州府鎮縣軍人百姓商旅等凡有買賣並須使八十陌錢兼令巡司廂界節級所由點檢覺察如有無知之輩依前故違輒將短錢與販便仰收促委逐州府枷項收禁勘責所犯人准條奉處斷訖申奏其錢盡

底沒納入官

五代會要二十七

選差馬步判官奏

天福二年九月吏部

長興四年五月五日勅應諸道州府都虞候司判官先指揮令於州縣前資之中簿尉判司之內選差勾當二年行有廉謹理無黨偏卽委本道奏聞請行酌獎者近日馬步判司多是差攝官充馬步判官奏薦須於前資正官判司簿尉中精選明練公法行端正者方可任使滿二周年後無遺闕者與減三選仍委本道州府一例給與公憑如只欠三選已下者仍便給與文解赴選今日已前有前資正官充馬步判官



並准此所有諸道州府應今日已前已差攝試官充馬步判官勾當已及三年無遺闕者亦宜令本州府給與公憑仍便申奏更四年後給與文解赴選比擬初官其今日已前攝試官見充職有週一周年者宜令待滿二年日准上處分如未及一周年者宜令逐道州府勅到後便別差前資正官停替不在給與公憑者僞清泰二年三月二十四日勅停廢前資攝正官充馬步判官前件勅已經封鑲不行者冊府六百三十三

按冊府作清泰三年九月五代會要二十一所收節文作天福二年九月今考其年月當以會要爲

正

謝賀上表准貞元制奏

天福二年十月  
月中書門下

按禮閣新儀正元二年十月七日御史臺奏每月慶賀及諸上表並合上行之制可今後凡有謝賀上表望並准元勅上公行之如三公闕令僕已下行之中

書門下別貢表章

五代會  
要卷四

職事官覲省及給裝束假奏

天福二年十一月  
月中書門下

按六典尚書吏部凡職事官應覲省及稱病不得過程謂身有疾病滿百日若所親疾病滿二百日及當時解官申省以聞其應待人材用灼然要藉驅使者

得帶官侍養及准雜令諸外官援給裝束假去所授  
官一千里內者四十日二千里內者五十日三千里  
內者六十日四千里內者七十日過四千里八十日並  
除程其假內欲赴任者聽之若有事須早還者不用  
此令若京官身先在外者裝束假減外官之半

五代會要

改更漏刻錯誤奏

天福三年二月司天臺

臣等准漏刻經云漏刻之制起自軒轅所以上揆天  
時下著人事是故日行有南北晷漏有長短以黃道  
去極之度而求漏刻日移之變夫中星晝夜一百刻

分爲十二時每時有八刻三分之一假令符天以六十分爲一刻一時有八刻二十分四刻十分爲正前四刻十分爲正後二十分中必爲時正上古以來皆依此法自唐室將季黃巢犯京旣失舊經漏刻無准伏以見行漏刻自午初四刻元稱已時已入未時猶打午正若不改更終成錯誤今欲每時初打一刻至四刻後正時刻牌打八刻終一時後一時卻從初起卽上同往古下驗將來奉勅宜依令本司集寮屬討定奏聞者臣等據諸家厯數及太霄論漏刻等經皆以晝夜百刻分爲十二時每時有八刻三分之一凡

一時宜打一刻起於時初八刻終於時正近取到水  
秤較驗方知見行漏刻差誤假令以午刻爲例從午  
時五刻上行作午時一刻侵至未時四刻始滿八刻  
方終午時此則午未兩時中各取半合爲一時也自  
日出後至日入以來時刻皆如此例相侵伏乞改正  
從時初打一刻至四刻後進正牌八刻終爲一時後  
時却從初起時辰自正晷漏無差

五代會  
要卷十

按全文所收中無奉勅云云十五字故分而爲二  
會要合爲一首

日變依舊禮奏

天福四年七月庚  
子朔中書門下

謹案舊禮日有變天子素服避殿太史以所司數日于社陳五兵五鼓五麾東戟南牙西弩北楯中央置鼓服從其位百職廢務素服守司重列于廷每等異位向日而立明復而止今所司法物咸不能具去歲正旦日蝕唯謹藏兵仗皇帝避正殿素服百官守司今日欲依舊禮施行

五代會要卷十

製皇帝受命寶奏

天福三年六月  
中書門下

准勅製皇帝受命寶今按唐貞觀十六年太宗文皇帝刻之玄璽白玉爲螭首其文曰皇帝景命有德者

昌

五代會要十三

韓延嗣合斬奏

大福三年八月大理寺

左街韓延嗣爲百姓李延暉衝者本街使連喝不住  
歐擊致死准律鬪歐者原無殺心因相鬪歐而殺者  
依故殺人者斬其韓延嗣准律合斬刑法統類節文  
從刑決重杖一百處死

五代會要卷九

旌表門閭令式奏

天福四年閏七月尚書戶部

李白倫義居六世准勅旌表門閭當司元無令式祇  
先有登州義門王仲昭六代同居其旌表有廳事步  
欄前列屏樹烏頭正門闊闊一丈二尺一柱相去一  
丈柱端安瓦桶漆黑號烏頭築雙闕一丈柱烏頭之

南三丈七尺夾街十有五步槐柳成列今舉此爲例  
又不載令文准王仲昭正廳烏頭門等事旣非故實  
恐紊彝章宜從令式祇表門間於李自倫所居之前  
量地之宜高其外門安綽楔門外左右各建一臺高  
一丈二尺廣狹方正稱臺之形圻以白泥四隅染赤  
行列樹植隨其事力同籍課役一准令文五代會  
要十五  
按全文九百七十五所收請定旌表門間式議與  
此不同

時政記付史館奏

天福四年十  
一月史館

按唐長壽二年右丞姚璩奏帝王謨訓不可闕文其



仗下所言軍國政事令宰臣一人撰錄號時政記至  
唐明宗朝又委端明殿學士撰錄逐季送付史館伏  
乞遵行者宜令宰臣一員撰述

五代會要十八

重定正冬朝會奏

天福四年十二月太常禮院

勅約開元禮重定正冬朔會接開元禮三品以上升  
殿羣臣在下請訟近禮依內宴列坐據開元禮稱賀  
後皇帝戴通天冠服絳紗袍百官朝服侍坐解劍履  
于樂府之西北今京邑新造殿庭隘狹請皇帝冠烏  
紗巾服赭黃袍百寮具公服俟朝堂宏敞卽舉舊儀  
二舞鼓吹熊羆之樂工師樂器等事因久廢不可卒

備請且設九部樂用教坊伶人

五代會要卷五

公主出降廢書函禮奏

天福五年二月太常禮院

長安公主以三月出降按唐德宗朝禮儀使顏真卿議婚用誕馬在禮無文周禮諸侯以璋聘女禮云玉  
以此德今請駙馬都尉加以璋郡主之增加元纁以  
代用馬書函之禮出自近代事無正經請廢之勿用

五代會要卷二

縣令犯賊連坐府州奏

天福五年六月二十日詳定院

准刑法統類大中二年正月勅天下州府官吏犯賊  
皆遞相蒙蔽不肯發明縱有申聞百無一二自今後

管內縣令有犯贓事發州府不舉者連坐錄事參軍  
錄事參軍有贓犯刺史不舉者連坐刺史刺史有贓  
犯事發觀察使不舉連坐廉使又准大中二年二月  
十七日刑部起請今後縣令有犯贓錄事參軍不舉  
錄事參軍奏聽勅旨臣等參詳設縣司本典知情並  
同罪告事人放三年租稅差徭仍將放免數卻配蓋  
藏罪其錄事參軍不舉者請減縣令所犯罪二等

會要  
二十一

正冬二節朝會舊儀制度奏

天福五年七月詳定院

先奉勅正冬二節朝會舊儀禮節樂章二舞行列等

事宜差太常卿崔悅御史中丞竇貞固刑部侍郎呂琦禮部侍郎張允興太常寺官一一詳定今檢討典經具述制度按禮云天子以德爲車以樂爲御大樂與天地同和又曰安上治民莫善於禮移風易俗莫善於樂書云夫樂在耳曰聲在目曰容聲應乎耳可以聽知容藏于心難以貌覩故聖人假於羽旄以表其容發揚蹈厲以見其意聲容和合則大樂備矣又按義鏡問鼓吹十二按合於何所答曰周禮鼓人掌六鼓四金漢朝乃有黃門鼓吹崔豹古今注云因張騫使西域得摩訶兜勒一曲李延年增之分爲二十

八曲梁置鼓吹清商令二人唐又有搖鼓金鉦大鼓  
長鳴歌簫笳笛合爲鼓吹十二按大享會則設於懸  
外此乃是設二舞及鼓吹十二按之由也今議一從  
令式排列教習文舞郎六十四人分爲八佾佾八人左  
手執籥禮云葦籥伊耆氏之樂也又周禮籥師教國  
子爾雅曰籥如笛三孔而短大者七孔謂之產歷代  
以文舞所用凡用籥六十有四右手執翟周禮所謂  
羽舞也書曰舞于羽于兩階翟山雉也以雉羽分析  
連攢而爲之二人執纛前引數於舞人之外文舞冠  
進賢冠服黃紗袍白紗中單阜領標白練褹襜白布

大口袴革帶烏皮履白布鞮武舞郎六十四人分爲  
八佾左手執干干楯也今之旁牌所以翳身也其色  
赤中畫獸形故謂之朱十周禮所謂兵舞取其武象  
用楯六十有四右手執戚戚斧也上飾以玉故謂之  
玉戚二人執旌前引旌似旗而小絳色畫升龍二人  
執鼗鼓二人執鐸周禮有四金之奏其三曰金鐸以  
通鼓形如大鈴仰而振之金錞二每錞二人舉之一  
人奏之周禮四金之奏其一曰金錞以和鼓鑄銅爲  
之其形圓若碓頭上大下小高三尺六寸有六分圍  
二尺四寸上有伏虎之形旁有耳獸形銜環二人執

鑊以次之周禮四金其二曰金鑊以止鼓如鈴無舌  
插柄以鳴之二人執相在左禮云理亂以相狀如小  
鼓用皮爲表實之以糠拊之以節樂二人執雅在右  
禮云訊疾以雅以木爲之狀如漆筒揜口大二圍長  
五尺六寸以羊皮鞞之旁有二紐髹畫殿辭而出以  
器築地明行不失節武舞人服錦平巾幘金支緋絲  
布大袖緋絲襖襜甲金飾白練襪襜錦騰蛇起梁帶  
豹文大口布袴烏皮鞞工二十數在舞人之外武弁  
朱鞞革帶烏皮履白練襪襜白布鞞殿廷加鼓吹十  
二案義鏡云常設氈案以氈爲牀也今請製大牀十

二牀容九人眠作歌樂其牀爲熊羆虎豹騰倚之狀以承之象百獸率舞之意分置於建鼓之外各三案每案羽葆鼓一大鼓一金罍一歌二人簫二人十二案樂工一百有八人舞一百三十有二人取年十五已上弱冠已下容止端正者充其歌曲名號樂章詞句請中書條奏差官修擇

五代會要卷六

大行升祔奏

天福七年七月太常禮院

國朝見享四廟靖祖肅祖睿祖憲祖今大行皇帝將行升祔按會要唐武德元年立四廟于長安至貞觀九年高祖神堯皇帝崩命有司詳議廟制議者以高



祖神主併舊四室祠廟今先皇帝神主請同唐高祖

升祠

五代會要卷二

上高祖謚冊差官祭告奏

晉天福七年八月  
中書門下

山陵禮儀使狀高祖尊號謚及廟號伏准故事將啓  
殯宮前擇日命太尉率百僚奉謚冊告天於園丘畢  
奉謚冊跪讀於靈前此累朝之制蓋以天命尊極不  
可稽留今所上高祖聖文章武明德孝皇帝尊謚寶  
冊伏緣去洛京地遠寶冊難以往來當司詳酌伏請  
祇差官往洛京祭告南郊太廟其日中書門下文武  
百官立班中書令侍中升靈坐前讀寶冊行告謚之

禮今從敕牒所司擇日申請官員行事伏請奏聞宣

下者

五代會要卷一

諸倉納耗本色折錢奏

天福八年五月十五日三司

天下今後諸倉請據人戶元納耗二升內一升依舊

送納本色充備鼠省耗折一升卽令人戶送納價錢

兩文足與元納錢八文足共十一文足充備倉夫斗

袋人夫及諸色吃食紙筆鋪襯盤纏支費

五代會要二十七

司封合行事件奏

天福十二年九月尚書司封

當司合行事件如後皇太后三代祖母並追封國太

夫人皇太子三代外祖母宗室郡國王曾祖亡母亦

追封國太夫人中書門下二品及平章事在朝正一

品官使相曾祖母祖母亡並追封國太夫人如母在

叙母爲國太夫人妻爲國夫人

已上並在  
中書施行

東宮一品

尚書省二品不帶平章事留守節度使祖母並許追

封郡太夫人止如母在叙封母爲郡太夫人妻爲郡

夫人止如曾任皇朝將相已經追封三代祖父母及

已封國太夫人者依舊施行東宮二品西班二品尚

書省三品御史大夫中書門下侍郎太常卿亡母並

追封郡太夫人止如母在叙封爲郡太夫人妻爲夫

人止如任皇朝將相已經追封三代兩代祖父母及

已封國太夫人者依舊施行應致仕官如未致仕日  
曾任五品已上正官封者與據品秩施行嫡母正室  
許封叙如非嫡繼叙封進封內加太字母歿追封亦  
加太字故云存歿並同若是父在據勅格不載爲母  
加太字之文若以近勅因子貴與父命官父自有官  
卽妻從夫品可以封妻父在不合以其子蔭加母太  
字若雖有因子之官其品尙卑未得蔭妻叙封亦不  
合用子蔭之限

五代會  
要十四

按此首後五行自叙封進封內加太字以下九十  
餘字見全文九百七十五封母加太字議

唐文拾遺卷之六十

榮祿大夫三品頂戴前分巡廣東高廉道加四級臣陸心源輯

闕名八

寺監攝官五年方理選數奏

開運元年十二月中書門下

司寺監若無私不合一例差署攝官况自前元無勅命指揮又不曾具名奏聞其太常寺太祝奉禮逐季祇應祠祭行事不可缺人其太常寺已差攝官滿五年者宜比三傳出身其餘諸司寺監今日已差攝官滿五年者宜比明經出身今既稱已年滿者各委本司一月內具所差年月鄉貫三代申奏下中書追引

先  
本司差攝文牒及親公事文書點檢不虛奏覆勅下  
後方理選數仍給與優牒候合格日赴選如攝太常  
寺太祝奉禮有已滿三年已上者亦許一齊奏過候  
滿五周年准前事例施行其餘諸司寺監攝未滿五  
周年者不在施行兼今後諸司監不得更差攝官其  
太常寺如正官數上宜許差前資判司主簿及黃衣  
選人充仍先具姓名申奏取裁不得充原額人數所  
攝一任限周年爲滿每年與減一選候罷攝日准前  
給與優牒候本選合格日執優牒赴選

五代會  
要十七

吏部郎中主判祠祭行事官奏

開運三年六月  
西京留司監祭

使

以祠祭所定行事官臨日或遇疾病或奉詔赴闕留  
司稟勅已遲乞以留司吏部郎中一人主判有缺便  
依次第定名庶無缺事

五代會要卷四

朝拜義惠康昌四陵奏

開選三年七月八日中書門下

太常禮院狀得宗正寺牒今年八月擇日朝拜諸陵  
今太卜署擇用八月十二日庚午告北京義惠康昌  
四陵准天福二年七月勅宜就昌陵都朝拜其朝拜  
官以本府上佐官充行事禮料亦准上供備

同上

父在母封加太字奏

乾祐元年七月尚書省

准赦書節文在朝文武臣寮父母在者並與追封內  
有父在見任官母合敘封否中書帖吏部廢置司令  
具新舊勅例父在見守官得承子蔭加恩及父在母  
敘封追封合加太字事例甲上吏部廢置司以前後  
格勅內祇言父母許與加恩卽不說父在見守官及  
前任得承子蔭加恩例司封以檢詳前後勅例凡母  
皆加太字在歿並同卽不說父在不加太字近例有  
中書舍人艾穎于天福五年十二月任殿中侍御史  
父在繼母李封縣君不加太字尙書司門郎中伊儺  
天福八年三月任尙書倉部員外郎父在母宋封縣



君不加太字

五代會要十四

審改考牒奏

乾祐二年四月  
月中書門下

准吏部南曹鑠宿內選人中有契丹會同年號厯子  
解山考牒未審合各令改就天福年號爲復別有指

揮

五代會要十七

儀仗奏

乾祐三年八月  
殿中省

當司儀仗車駕都洛京時所差至今管係逐年分番  
祇候執擎儀仗昨京兆府奏依平戶例差使伏恐忽  
有大禮無人供應

五代會要十六

追謚四廟所議未同奏

廣順元年正月  
月中書門下

太常禮院議曰合立太廟室數若守文繼體則魏晉  
有七廟之文若創業開基則隋唐有四廟之議聖朝  
體通禮追諡四廟伏恐所議未同請下百官集議五代

會要  
卷二

南曹選人兵火散失公憑奏

廣順元年二月吏部三銓

去年冬南曹判成選人三百八十一人十一月二十

二日兵火散失磨勘了歷任文字或有送納文書未

抄及取到南曹失墜公憑銓司若依格例磨勘恐選

人訴論今欲祇舉南曹失墜給到公憑便與施行五代

會要二

十一

縣令兼諸陟令丞不便奏

廣順元年五月宗正寺

准諸陵故事有令丞各一員近令丞不置便委本縣令兼之今緣河南洛陽是京邑恐兼令丞不便伏候

勅旨

五代會要卷四

左右屯衛請復舊名奏

廣順二年十月御史臺

唐景雲二年改左右屯衛爲威衛又唐高宗名治改治書侍御史爲御史中丞諸州治中改爲司馬蓋臣子避君父名也請諸衛中書舊是屯衛者復舊名

五代

會要十一

犯罪人依格令處分奏

廣順三年二月月中書門下

今後應犯竊盜賊及和姦者並依晉天福元年已前  
條制施行應諸處犯罪人等除反逆外其餘罪並不  
得籍沒家產及誅骨肉一依格令處分請再下明勅

頒示天下

五代會  
要卷九

製天子八寶奏

廣順三年  
二月有司

按唐六典符寶郎掌天子八寶其一曰神寶其二曰  
受命寶其神寶方六寸高四寸六分厚一寸七分蟠  
龍紐文與傳國寶同傳國寶秦始皇帝以藍田玉刻  
之李斯篆文方四寸面文曰受命于天既壽永昌紐  
盤五龍二寶歷代相傳以爲神器又別有六寶一曰

皇帝行璽二曰皇帝之璽三曰皇帝信璽四曰天子  
行璽五曰天子之璽六曰天子信璽此六寶因文爲  
名並白玉螭虎紐歷代相傳亡則補之北朝鑄之以  
金至則天朝以璽字涉嫌改之爲寶正觀十六年別  
製立璽一坐其文曰皇天景命有德者昌白玉螭虎  
紐同光中製寶一坐文曰皇帝受命之寶晉天福四  
年製寶一坐文曰皇帝神寶其同光天福二寶內司  
製造不見紐象并尺寸製度

五代會  
要七三

除授節度使等正衙辭謝奏

廣順三年三  
月御史臺

應除授節度使防禦團練使刺史行軍副使等近日

不到正衙辭謝多稱別奉宣旨勅今後此色蔭除宜  
令閣門告報勒正衙辭謝如有宣放辭謝閣門具姓  
名分明投御史臺四方館

五代會要卷六

鳳翔府考帳違限不收奏

廣順三年三月尚書考功

當司所納諸道考課文帳准格每年十月二十五日  
已前考帳到京如違格限本處官吏各行殿罰其鳳  
翔府自廣順元年十月九度移文爲考帳全不詳認  
格條遂申中書門下請勘今鳳翔府稱違格限二十  
餘日已決罰官典申到考帳當司准格違限不取

六百三

十六

勘韋城鎮將趙應等發冢掘井奏

廣順三年五月開封府

趙應與僧智欽鎮民陳元濟二十人同謀發冢掘井妄稱羅漢聖口誑惑閭閻希求財物逐人勘責並招妖妄其錢各人已分張藏匿

册府九百二十二

園邱制度奏

廣順三年九月太常禮院

准勅定郊廟制度洛陽郊壇在城南七里丙巳之地園邱四成各高八尺一寸下廣二十丈再成廣十五丈三成廣十丈四成廣五丈十有二陛每節十二等燎壇在泰壇之丙地方一丈高一丈二尺濶上南出戶方六尺請下所司修奉

五代會要卷二

修奉社稷壇奏

廣順三年九月太常禮院

社稷制度社壇廣五丈高五尺色土築之稷壇制度如社壇之制度社壇石主長五尺方二尺剡其上方其下半根在土中四垣華飾每神門屋三間一門門二十四戟四隅連飾累恩如太廟之制中可樹槐准禮左宗廟右社稷在國城內請下所司修奉

五代會要卷三

修奉洛京廟室奏

廣順三年九月太常禮院

准洛京廟室一十五間中分爲四室兩頭有夾室四神門每門屋三間每門戟二十四別有齋宮神厨屋宇准禮左宗廟右社稷在國城內請下所司修奉

五代



會要  
卷三

祇祭禮料見行事件奏

顯德五年閏七月一日御史臺

諸司寺監逐季請到祇祭禮料幣帛脚錢等於宗正寺監祭使與本寺官同掌候至日供應逐季所祭享郊壇祠廟並是禮部差官具名銜牒報監祭使大祠前七日起尙書省受戒誓如其日有官不到具名銜申奏申堂前三日致齋前二日請道引赴祠所中祠不受戒誓前二日致齋前一日請道引赴祠所小祠不受戒誓候吏部牒到獻官名銜監祭使點檢封記印禮料并諸司祇應人等發牒差驅使官管押赴所

交割逐祠祭諸司赴郊壇所等至午時與公卿行事  
官立班告潔省牲點饌畢給付大官令監厨造饌至  
來日五更於壇所食饌畢行事點檢有食饌祭器不  
精應奉有缺其本司人吏量罪責罰郊壇太廟宰臣  
攝太尉行事至受誓戒及赴祠廟日監祭使具錄公  
卿行事官名銜申迎班狀應行事官未受誓戒前牒  
陳有故請假並是吏部別差官行事如受誓戒後及  
致齋之內有官陳牒有故請假監祭使差次官通攝  
行事祠齋前一日本寺按閱申堂如至行事日音律  
樂官祇應前公卿等並聽別勅指揮諸祠祭有同日

享祀監祭使具狀申御史中丞請差官祀若是無官  
可差監祭使牒太常博士通攝如缺太常博士監祭  
使通攝祠祭行事公卿官員職掌等每至冬寒請柴  
炭太常禮院差禮生請給監祭使監散

五代會要卷四

甲庫見行公事奏

顯德五年閏七月吏部甲庫

見行公事甲庫先有專知官一人於長興二年停廢  
後來於令史內選差一人承受主管諸雜制勅及逐  
季抄錄關報史館所有選人受官黃甲備錄關送吏  
部出給告身及具名銜關牒送格式收附員闕准格  
出給

五代會要  
二十二

漕運水陸行程奏

顯德五年閏七月度支

當司漕運水陸行程制陸行馬日七十里步及驢五十里車三十里水行泝流舟之重者汴河日三十里江四十里餘水五十里空舟汴河日四十里江五十里餘水六十里沿流之舟輕重同制河日一百五十里江一百里餘水七十里其三峽砥柱之類不拘此限若遇風水淺不得行者聽折半功河南河北河東關內等四道諸州運租庸雜物等脚每馱一百斤一百里一百文山阪處一百二十文車載一千斤九百文從黃河及潞河自幽州運至平州每十斤泝流十

六文沿流六文餘水沂流十五文沿流五文從澧荆  
等州至揚州四文其山阪險難驢少處每馱不得過  
一百五十文平易處不下八十文有人員處兩人分  
一馱其運向播黔等及涉海各在本處量定

五代會  
要十五

祠祭合供芹韭等五件奏

顯德五年閏  
七月司農寺

奉勅節文刪集見行公事送中書門下者當寺每年  
季冬祠祭合供使芹韭菁葱葵菹等五件准例至泥  
藏之時牒三司支給寺司請領藏泥准例一冬供應

五代會  
要十六

定府縣各官料錢停廢俸戶奏

顯德五年十  
二月中書

諸道州府縣官及軍事判官一例逐月各據逐處主戶等第依下項則例所定料錢及米麥等取顯德六年三月一日後起支其俸戶竝停廢一萬戶已上縣令逐月料錢二十千米麥共五石主簿料錢一十二千米麥共三石七千戶已上縣令逐月料錢一十八千米麥共五石主簿料錢一十千米麥共三石五千戶已上縣令逐月料錢一十五千米麥共四石主簿料錢八千米麥共三石三千戶已上縣令逐月料錢一十二千米麥共四石主簿料錢七千米麥共三石不滿三千戶縣令逐月料錢一十千米麥共三石主

簿料錢六千米麥共二石五萬戶已上州司錄事參  
軍及兩京司錄每月料錢二十千米麥共五石司戶  
司法每月料錢一十千米麥共三石三萬戶已上州  
司錄事參軍每月料錢一十八千米麥共五石司戶  
司法每月料錢八千米麥共三石一萬戶已上州司  
錄事參軍每月料錢一十五千米麥共四石司戶司  
法每月料錢七千米麥共三石五千戶已上州司錄  
事參軍每月料錢一十二千米麥共四石司戶司法  
每月料錢六千米麥共二石不滿五千戶州司錄事  
參軍每月料錢一十千米麥共三石司戶司法每月

料錢五千米麥共二石諸司軍事判官一例每月料錢一十千米麥共三石右諸州府京百司內諸司府縣官課戶莊戶俸戶柴炭紙筆戶等望令本州及檢田使臣依前項指揮勒歸州縣候施行畢具戶數奏聞仍差本州判官精細點數後差使臣覆視及有人論訴稱有漏落抵罪在本州判官及干係官典如今後更有人戶願充此等戶者便仰本州勒充軍戶配本州牢城執役

五代會要二十八

舊徵光省禮錢及蠲免錢數狀

天成元年九月二十五日門下

中書  
兩省



准舊例檢校官合納光省禮錢伏見尙書省檢校官  
禮錢近降勅命除翊衛勛庸藩垣將佐其餘不帶平  
章事節度使及防禦團練刺史諸道副使郎中已下  
并三司職掌監院官縣令錄事參軍判官等凡闕此  
例並可徵收者伏緣省官舊例別無錢物祇徵禮錢  
以充公廨破使蓋值雜亂致失規繩卽目縱有檢校  
官未奉勅命許令依舊徵理其檢校左右散騎常侍  
乞依尙書省除翊衛勛庸藩垣將佐外並許徵收所  
冀朝廷故事免失於根源省閣舊儀長存於規制謹  
具本朝元徵舊例錢數乞奏聞者中書約本省舊徵

禮錢及蠲減錢數如左防禦團練刺史諸道郎官三  
司職掌檢校左右散騎常侍舊例各納錢一十五千  
今減外各納錢五千兩府及次府少尹左右司馬別  
駕長史舊例各納錢十千減外各納錢四千諸道將  
校舊例納錢五千減外各納錢三千都押衙至大將  
各納錢五千減外各納錢二千五百進奏官各納錢  
二千其餘都頭指揮使已下並與免放五代會要十三

州府勾帳委使專按狀

建中元年四月比部

天下諸州及軍府赴勾帳等格每日諸色勾徵令所  
由長官錄事參軍本判官據案狀子細勾會其一年

勾獲數及勾當名品中比部一千里已下正月到二  
千里已下二月到餘盡三月到盡省司檢勘續下州  
知都至六月內結數關度支便入其年支用旨下之  
後限當年十二月三日內納足者諸軍支使亦准此  
又准大歷十二年六月十五日勅諸州府請委當道  
觀察判官一人每年專按覆訖准限比部者自去年  
以來諸州多有不到今請其不到州府委黜陟使同  
觀察使計會勾當發遣申省庶皆齊一法得必行

要五  
十九

覆推勘盜賊致死狀

長興二  
年中書

今後凡關賊徒若推勘因而致死者有故以故殺論  
無故減一等如拷次因增疾患候驗分明如無他故  
雖辜內致死亦以減等論

冊府六百一十三

選差勾當吏部甲庫狀

長興二年閏五月十九日吏部

當司制勅甲庫專知官一例近停廢者伏緣當司主  
掌制勅甲庫與三庫不同常日檢尋諸司取證稍有  
差繆所失非輕無人主持必虞敗闕今欲於吏部令  
史內選差一員勾當又緣公事至重仍遣別不執行  
他事兼乞除本役外特與減二年勞考者

五代會要十四

每月公案祇錄狀勅狀

天福五年六月二七日大理寺

當寺自前每月公案一道除斷狀外須全寫三本內  
一本申奏一本送刑部一本下本道者伏緣近年諸  
處公案併多寺司常慮淹延况所行斷遣案文此謂  
舉明條法况本道已有元推公案固不煩備錄施行  
今欲祇錄斷狀連勅頒宣亦不礙於規矩况刑部大  
理寺亦是已有具案元祇以斷覆詞降勅歸司其諸  
道元推司今欲乞准刑部例祇降斷狀連勅施行所  
貴將來免滯刑獄

五代會要十六

南曹見行條件公事狀

顯德五年閏七月吏部流內銓

銓司先准格例南曹十一月末開宿判成選人後先

具都數申銓司舉狀便榜示選人引納京諸司官使  
印家狀及試判紙三度榜引得齊足方至十二月上  
旬內定日鑱銓者銓司若候南曹十月內開宿引納  
家狀慮成淹滯今後纔南曹鑱宿後先榜示選人預  
納家狀其合保文狀或識官司使印限開曹後兩日  
內赴銓送納須得齊足如限內不納到家狀保狀試  
紙人便具姓名落下不在積納之限據納到文狀至  
十月二十二日已前鑱銓先准格例鑱銓後便榜示  
引驗正身告赤文書三引共九日如三度引不至者  
便落下銓司今後鑱銓日便牒示選人至次日引驗

正身及告赤文書限三日內三引畢如不到者便落  
下每年南曹判成選人中多有託故不赴銓引銓司准  
格例伺候須及三引計九日不至者方始落下今後  
有此色人逐引不到便據姓名落下先准格諸色人  
三引畢後齎使印保狀赴銓併合保後令錄重引驗  
合保審其才術者銓司欲三引後次日重內引驗令  
錄其才術及合保如限內不至者據姓名落下銓司  
引驗後本行准格勅及將銓狀歷任告赤文書限三  
日內點檢無違礙具姓名關報試判注擬所有選人  
歷任有於未注官已前寫帖送過院選人所合注使

員缺鑲銓後便具狀申中書門下乞降指揮應選人  
試判今欲鑲銓內預准勅於中書省請印到逐人試紙  
候點檢畢開報名銜齊足此日便定日試判三場次  
日申奏後限兩日內供納宣黃次日乞降可否勅命  
銓司自前注擬諸色選人准格三注每注注內有不  
伏官者限三日內具狀通退三注共九日者銓司自  
今後第一第二注榜出後各限次日內具通官文狀  
便具姓名落下第三注畢日開銓不在開通官之限  
三注共五日准格銓司逐年二月二十五日送門下  
省畢三月十五日過官畢三月三十日進黃移省畢



三擬畢後省申案便於格式內逐旋覆闕入官過院  
修寫省歷至十月十四日已前牒送門下省畢銓司  
門下省押定牒到取兩日祗候取判過堂次日乞降  
可否堂帖其黃甲限四日內修寫句勘印署至十二  
月六日牒送門下省至十二月九日進黃畢所有衙  
謝對駁在格限內應行內諸司公事或有干繫申銓  
取裁銓司便准勅格指揮如銓司難議裁酌卽申堂  
取裁

五代會要  
二十一

三公上儀約開元禮爲儀注議

元和六年  
十月禮官

按開元禮有冊拜官上議初上者咸與卑官答拜今

左右僕射皆冊拜官也令准此禮爲定伏尋今之所  
行儀注其非典禮之文又無格勅爲據斯乃越禮隨  
時之法有司尋合釐正豈待議而後革也伏以開元  
禮者其源太宗創之高宗述之元宗纂之日開元禮  
後聖于是乎取則其不在禮者則有不可以傳今僕  
射初上受百寮拜是舍高宗元宗之祖述而背開元  
之正文是有司失其傳而又云禮得無咎哉今既奉  
明詔詳定宜守禮文以正之議者或云致敬之禮或  
有三品拜一品四品拜二品如之致敬則先拜所以  
下文云丞相令助教拜博士卽今丞及助教必先拜

之是也非不答拜何者禮記云大夫士相見貴賤不  
敵主人敬客則先拜客客敬主人則先拜主人是謂  
致敬又曰非國君無不答拜者鄭元注曰禮尙往來  
又曰君子士不答拜非其臣則答之鄭元注曰不敢  
臣人之臣今令僕射不答拜是臣其百僚不亦重乎  
又按漢制八座及丞郎初拜官並集都堂交禮僕射  
八座也又無不答之文伏以左右僕射舊左右丞相  
也次三公答拜而僕射受之固非倫也且約三公上  
儀及開元禮而爲儀注庶幾等威之序允歸至當之

論

唐會要  
五十七

憲廟配享議

會昌六年  
都省議

伏以憲宗皇帝元德英猷邁越千古神機睿算恢復  
四荒既戮惠琳聯誅關錡眷求良輔果集大勲乃覆  
淮蔡之妖巢刈河朔之餘孽皇威震耀寰宇和寧偃  
武修文幾無遺事陛下崇嚴享禮爰軫孝思將舉元  
勲以顯丕績臣等伏以故司徒兼中書令贈太師裴  
度天縱公忠道宏匡濟始處司言之任屢陳憂國之  
誠嘗因別召深得聖旨乃貳邦憲使于藩方處嫌疑  
者盡付心誠懷顧慮者必得腰領俄升相位專任大  
事遂乃擒元濟梟師道承宗効順劉總叩頭程權來

朝同捷就戮蓋憲宗有知人之明而度盡致君之道也于是息瘡痍培根本區宇無獷悍之俗元和爲盛明之代薰灼天下將明帝圖古往今來善無與讓卽宜祇配聖德光揚大勳詳考功行無先於度唐會要十八

請依統類計贓議

清泰三年御史臺刑部大理寺

舊例枉法贓十五匹絞天寶元年加至二十四匹請今後犯枉法贓十五匹准律絞不枉法贓舊例三十匹加役流受所監臨五十匹流二千里今請依統類不枉法贓過三十匹受所監臨贓五十匹册府六百一十三

上中書記事帖

天成三年二月十二日學士院

樞密院近送到權知高麗國諸軍事王建表令賜詔書者其高麗國未曾有人使到闕院中並無彼國詔書式樣未審呼卿呼汝兼使何色紙書寫及封裹事例伏請特賜參酌詳定報院者

五代會要十三

薦送舉人先行鄉飲禮帖

清泰元年九月  
月中書門下

太常以長興三年勅諸科舉人常年薦送先令行鄉飲酒之禮凡預舉人例從鄉賦遂奏鹿鳴之什俾騰龍化之津雅音既動於笙簧厚禮復陳於篚篋行茲盛事克振儒風宜令復行鄉飲酒之禮太常草定儀注頒行諸州預前肄習舉人之時便行此禮其儀速

具聞奏

册府六百五十一

玉璽述

周廣順三年二月史臣

國以玉璽爲傳授神器遂古無聞運斗樞曰舜爲天子黃龍負璽世本曰魯昭公始作璽秦兼七國稱帝李斯取藍田之玉玉工孫壽刻之方四寸斯爲大篆之形制如魚龍鳳鳥之狀希世之至寶也秦亡子嬰降于軹道漢帝得之與斬白蛇劍世傳寶之王莽之篡使王舜求璽于元后后怒投之於階一角微缺莽誅公孫賓以璽送更始劉玄敗以授盆子及熊耳之敗盆子以璽降光武漢末黃門張讓投璽于井

中孫堅討董卓入洛見井有五色氣乃杼得之持歸  
以授袁術術敗荊州刺史徐璆得之詣許授獻帝漢  
禪魏文帝得之魏禪晉武帝得之劉聰陷洛陽得之  
聰死歸劉曜曜爲石勒所擒璽歸于鄴石季龍傳冉  
閔閔收東濮陽太守戴施入鄴得之送江東授穆帝  
晉禪宋劉裕得之宋禪齊蕭陽得之齊禪梁蕭衍得  
之臺城之陷侯景得之景敗其將侯子鑒欲以璽走  
江北追兵所迫乃投于栖霞寺井中寺僧永杼匿而  
得之陳永定三年永弟子普智上陳文帝隨平陳隨  
叔寶入長安隨乃始得秦項傳國寶煬帝在江都宇



文化及篡逆以璽北度至韋縣爲寶建德所敗寶入

建德建德擒於武牢其妻曹氏以寶獻唐高祖

本傳曹氏

以八寶降

于長安 祿山之亂肅宗卽位於靈武上皇遣崔圓

送璽于鳳翔代宗之避狄分陝德宗之移幸山南皆

以八寶從黃巢之亂僖宗再幸山南昭宗播越石門

神器俱在天祐四年輝王禪位于梁命宰臣楊涉送

寶于大梁梁亡莊宗入汴得之同光末內難作寶爲

火所灼文字訛缺明宗清泰復得之清泰敗以傳國

寶隨身自焚而死其寶遂亡失其神寶者方六寸厚

一寸七分高四寸六分蟠龍隱起文與秦璽同但玉

色不及形制高大耳不知何代造東晉孝武十九年南雍州刺史郗恢於慕容永部得之送於金陵東晉末傳於宋高祖宋亡入齊蕭道成得之齊亡入梁蕭衍得之臺城之陷侯景得之景敗待中趙思齊携走江北獻齊文宣帝宇文氏滅齊武帝得之歸長安宇文亡入隨文帝改號傳國璽又改爲受命璽開皇九年平陳始得秦氏真傳國璽仍以秦璽後出得於亡陳以北朝所傳神璽爲第一秦璽次之隨亡竇建德妻與秦璽俱獻長安唐高祖得之唐末不知所在秦初制受命寶時別制六璽一曰皇帝行璽封册諸王

公用之二曰皇帝之璽與王公書用之三曰皇帝信  
璽諸夏發兵用之四曰天子行璽封冊蕃國用之五  
曰天子之璽賜蕃國書用之六曰天子信璽徵蕃國  
兵用之六璽皆白玉刻螭虎紐方一寸五分高寸傳  
之歷代或有亡失北朝鑄之以金所謂乘輿八寶也  
太宗貞觀中別刻玄璽莊宗時或曰玄璽又別刻受  
命寶天福初晉高祖以國寶爲清泰所焚特製寶一  
坐開運末契丹陷中原張彥澤入京城晉主奉表歸  
命於虜主遣皇子延煦等奉國璽并金印三面送于  
虜主其國寶卽天福初所造者也延煦等廻虜主與

晉帝詔曰所進國寶驗來非眞傳國寶其眞寶速進  
來晉主奏曰眞傳寶因清泰末僞主從珂以寶自焚  
自此亡失先帝登極之初特製此寶左右臣寮備知  
固不敢別有藏匿也漢朝二帝未暇修製故太祖命  
有司特製二寶焉

冊府五百  
九十四